

Дадлага сургууль зохион  
байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2, Эрүүл мэндийн тухай хуулийн 11 дүгээр зүйлийн 11.1.4, Төсвийн тухай хуулийн 41 дүгээр зүйлийн 41.2.2, Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн 34 дүгээр зүйлийн 34.1.5, Засгийн газрын 2020 оны 102 дугаар тогтоол, Монгол Улсын Шадар сайдын 2020 оны 33 дугаар тушаал, Сангийн Сайдын 2018 оны 318 дугаар тушаал, Нийслэлийн Иргэдийн Төлөөлөгчдийн хурлын 2019 оны 9/36 дугаар тогтоолыг тус тус үндэслэн ЗАХИРАМЖЛАХ нь:

1. Монгол Улсын Засгийн газар, Улсын Онцгой комиссоос өгсөн чиглэлийн дагуу “Коронавируст (КОВИД-19) цар тахлын үеийн харилцан ажиллагаа, хариу арга хэмжээ” сэдэвт гамшгаас хамгаалах иж бүрэн дадлага сургуулийг 2020 оны 05 дугаар сарын 06-08-ны өдрүүдэд зохион байгуулсугай.

2. Дадлага сургуулийн үйл ажиллагааны зардалд шаардагдах хавсралтад заасан 36.512.200 (гучин зургаан сая таван зуун арван хоёр мянга хоёр зуу) төгрөгийн зардлыг өмнөх шийдвэрүүдийн шатахууны зардлын хэмнэлт болох 50.582.900 (тавин сая таван зуун наян хоёр мянга есөн зуу) төгрөгөөс гүйцэтгэлээр зарцуулахыг Нийслэлийн Онцгой байдлын газар /Ж.Чүлтэмсүрэн/-т зөвшөөрсүгэй.

3. “Коронавируст (КОВИД-19) цар тахлын үеийн дадлага сургуульд оролцох нийслэлийн нутгийн захиргааны байгууллагуудын харилцан ажиллагааг шуурхай зохион байгуулж, мэргэжлийн удирдлагаар хангаж ажиллахыг Нийслэлийн Онцгой байдлын газар (Ж.Чүлтэмсүрэн), Нийслэлийн Эрүүл мэндийн газар (Л.Төмөрбаатар)-т, захирамжийн хэрэгжилтэд хяналт тавьж, нэгдсэн удирдлагаар хангаж ажиллахыг Нийслэлийн Засаг даргын хөгжлийн бодлогын асуудал хариуцсан нэгдүгээр орлогч /Ж.Батбаясгалан/-д тус тус даалгасугай.

НИЙСЛЭЛИЙН ЗАСАГ ДАРГА

БӨГӨӨД УЛААНБААТАР

ХОТЫН ЗАХИРАГЧ

С.АМАРСАЙХАН

Нийслэлийн Засаг даргын 2020 оны  
4 дүгээр сарын 29-ний өдрийн  
А/573 дугаар захирамжийн хавсралт

“КОРОНАВИРУСТ (КОВИД-19) ЦАР ТАХЛЫН ҮЕИЙН ХАРИЛЦАН АЖИЛЛАГАА,  
ХАРИУ АРГА ХЭМЖЭЭ” СЭДЭВТ ГАМШГААС ХАМГААЛАХ  
ИЖ БҮРЭН ДАДЛАГА СУРГУУЛИЙН ЗАРДЛЫН НЭГДСЭН ТООЦОО.

№	Байгууллагын нэрс	Тооцоолсон дүн	Хянасан дүн
1	Улаанбаатар хотын Захирагчийн ажлын алба, Нийслэлийн Онцгой байдлын газар, Нийслэлийн Цагдаагийн удирдах газар, Нийслэлийн Мэргэжлийн хяналтын газар, Нийслэлийн Мэдээлэл технологийн газар, Тээврийн Цагдаагийн албаны Замын цагдаагийн газар	5.911.200	5.911.200
2	Нийслэлийн Эрүүл мэндийн газар	62.579.000	30.601.000
	Нийт	68.490.200	36.512.200